



Grupo Parlamentario

Á Mesa da Comisión Permanente non Lexislativa para as Relacións co Consello de Contas

Partido dos
Socialistas
de Galicia

O Grupo Parlamentario dos Socialistas de Galicia, a través do seu portavoz e ao abeiro do disposto no artigo 7.1 das normas reguladoras do Consello de Contas co Parlamento de Galicia, presenta as seguintes recomendacións ao Plan de traballo do Consello de Contas para o ano 2017.

Recomendación núm.1

O Parlamento de Galicia insta o Consello de Contas a presentar os próximos planes anuais de traballo no mes de outubro anterior ao do exercicio do que se trate, co fin de que neles se poidan incluír, coa suficiente antelación, as recomendacións aprobadas pola Cámara autonómica.

Recomendación núm. 2

O Parlamento de Galicia insta o Consello de Contas a realizar un informe de fiscalización específico dos contratos de publicidade e comunicación promovidos pola Xunta de Galicia durante os exercicios 2015 e 2016.

Recomendación núm. 3

O Parlamento de Galicia insta o Consello de Contas a realizar un informe específico de fiscalización e de auditoría operativa sobre a Axencia para a Modernización Tecnolóxica de Galicia.

Recomendación núm. 4

O Parlamento de Galicia insta o Consello de Contas a realizar un informe sobre as axudas e convenios levados a cabo polo Goberno galego coas entidades locais e institucións delas dependentes, co obxecto de verificar a súa concesión en virtude de criterios obxectivos, avaliábeis e non discriminatorios, ditaminando a posible ilegalidade ou falta de xustificación das subvencións outorgadas sobre a base, unicamente, da súa orde de entrada no Rexistro ata a finalización do crédito preestablecido.

Grupo Parlamentario

Recomendación núm. 5

O Parlamento de Galicia insta o Consello de Contas para que realice un informe sobre o custo dos concertos hospitalarios realizado polo Servizo Galego de Saúde, no que inclúa o custe global concertado con cada hospital, así como o custe por servizo concertado con indicación expresa da comparativa entre o custe do servizo realizado nun hospital público e nun centro concertado, e o volume que estes concertos supoñen con respecto ao orzamento do Sergas.

Partido dos
Socialistas
de Galicia

Recomendación núm. 6

O Parlamento de Galicia insta ao Consello de Contas para que realice un informe de fiscalización sobre a Axencia Galega de Innovación.

Recomendación núm. 7

O Parlamento de Galicia insta o Consello de Contas a realizar un informe de fiscalización dos procesos de contratación da Axencia Galega de Turismo.

Recomendación núm. 8

O Parlamento de Galicia insta o Consello de Contas a fiscalizar os procedementos de contratación administrativa da Xunta de Galicia, dos seus organismos autónomos, axencias públicas e demais entidades públicas dela dependentes, tendo en conta os criterios, recomendacións e informes da Comisión Nacional dos Mercados e a Competencia e do Consello Galego da Competencia, sobre a incidencia da contratación pública nos mercados de bens e servizos e na economía do sector público, e con especial atención ás posibles trabas que as PEMES poidan estar encontrando para participar nas licitacións públicas.

Recomendación núm. 9

O Parlamento de Galicia insta o Consello de Contas a que dentro do *Programa de actividades de prevención da corrupción* inclúa unha oficina específica na que os responsables políticos, funcionarios, responsables de empresas e asociacións e o persoal ao servizo das empresas ou asociacións poidan poñer en coñecemento do Consello de Contas de forma inmediata calquera actuación que puidese

Grupo Parlamentario

implicar un posible caso de fraude ou corrupción. Adoptaranse as medidas necesarias para garantir a confidencialidade e a protección de calquera persoa denunciante.

Recomendación núm. 10

Partido dos
Socialistas
de Galicia

O Parlamento de Galicia insta o Consello de Contas a establecer, dentro do *Programa de actividades de prevención da Corrupción*, as necesarias medidas de cooperación coa Fiscalía Superior de Galicia que permitan unha persecución integral das prácticas corruptas no ámbito público autonómico.

Recomendación núm. 11

O Parlamento de Galicia insta o Consello de Contas a presentar un balance de xestión, execución e cumprimento de obxectivos dos programas operativos dos Fondos europeos xestionados pola Administración autonómica correspondentes ao marco de financiamento 2007-2013.

Recomendación núm. 12

O Parlamento de Galicia insta o Consello de Contas a presentar un informe de avaliación sobre o control interno dos sistemas de prevención da corrupción na Xunta de Galicia; así como dos seus organismos autónomos, axencias públicas e demais entidades públicas dela dependentes.

Recomendación núm. 13

O Parlamento de Galicia insta o Consello de Contas a presentar un informe de avaliación sobre o control interno dos sistemas de prevención da corrupción nas entidades locais e demais institucións dela dependentes.

Recomendación núm. 14

O Parlamento de Galicia insta o Consello de Contas a elaborar o informe de fiscalización do contrato de concesión do Hospital Álvaro Cunqueiro de Vigo; analizando o proceso de construción e equipamento, no que se inclúa unha avaliación sobre o incremento de custes sobre o estimado inicialmente; así como sobre o proceso de posta en funcionamento.



 Grupo Parlamentario

Pazo do Parlamento, 17 de marzo de 2017

Partido dos
Socialistas
de Galicia

Asinado dixitalmente por:

Xoaquín María Fernández Leiceaga na data 17/03/2017 14:42:10